


豐潤縣志

豐潤縣志






圖考




三




縣署




四





學校




五



牛鼎



象樽



序

志乘之作于他邑易于豐潤難何也縣于古無主名志于今無善本漢爲土垠徐無石城無終唐爲玉田金爲永濟後更豐潤金史於永濟沿革皆未了了且注豐潤曰太和間置前輩已非之況正史以外諸書乎縣志爲前令羅景泐邑人曹鼎望重修定本漢縣偏舉土垠唐縣忽爲薊川不問元明易閭爲潤以至陳宮石鼓之穿鑿附會八景之支離不根又其甚者劉振世李昌汴趙登高不爲立傳殷壯猷則并逸其名而庸庸儕輩轉得與徐樂田疇諸賢分顏抗手迷謬失倫殆莫可究詰矣予濫膺表率屬望於蒞茲土者相爲更訂數年而不一遇吳君愛山好學嗜古爲蜀中名進士授涑水令有政聲調繁豐潤視事之始讀舊志而陋之毅然以修輯爲已任公餘繙閱書史編纂撰述有不安者削其稿常至夜分弗稍輟閱半載書成質於予則予向所尋繹而未愜者一考証辨駁且於取義成仁諸公採方言搜家乘各具本傳紀之皆勃

豐潤縣志

劉序

勃有生氣焉歐陽子曰修於五代史竊有善善惡惡之意予於愛山亦云然他日愛山又過予曰羣書可正古蹟之訛碑碣可補國史之缺惜疆域未能徧歷見聞未能廣闊屬有所思願秘之而弗出也予曰泰山不讓土壤而不必盡天下之培塿河海不擇細流而不必罄天下之溝渠紀載不廢謬誤而不必窮一時之聞見君於此役業已旁搜博採克殫厥心縱耳目所及尙有未周留俟後人補闕可也奈何秘而弗出哉愛山無以應輒然而笑退而授之剞劂氏既歲事復索序於予乃記其答問之語於簡端皆乾隆十九年甲戌秋八月遵化直隸州牧新鄭劉靖撰

序

嘗考豐潤爲古玉田縣地統於漁陽郡金元之間乃邑而治之志乘則自明始明以前無聞焉至

本朝康熙中西昌羅君景泐復行增修距今蓋六十餘年矣官斯出者率因公事旁午未遑經理於是事勢屢更簡編猶舊掌故之謂何而聽其缺略也夫邑之有志也將以考政治之得失民生之休戚人才之盛衰風俗之醇漓戶口之聚散物產之息耗貢賦之盈絀世代之變遷沿革建置之異名而同實山川緯絡星紀災祥之表著歷驗而不可誣伊有志之士循舊章而成竹在胸出令毋違然後四封之內得以仰託庇蔭而鷄犬無驚井閭晏然有非史氏之溢美虛辭可比者蓋一邑之命懸於令一邑之槩統於志志之所不登事之所不屬也志之所不取俗之所不便也卽至紀一名必核其實書一物必討其源一人是載能慨忠臣孝子之隱一行是錄足關禮義廉恥之防則筆削匪私謹嚴匪刻

豐潤縣志

吳序

二

而激揚彰瘴之意亦略具梗概矣況豐之爲域枕山表海煙火萬家其間可法可傳可喜可愕之事雖更僕亦難以悉數不有以綜之不幾散而無所統歟故予變事之始百度未舉卽籌茲役乃博考羣籍衷諸正史叅之傳記與父老之傳聞鄉先生之淹雅疏通者下至諺語卮言有關必錄曾未及暮哀然成帙乃藁甫脫而頓遭吏議爰與介休馬君佩夫更相評騭勒成一書後之君子試按冊稽之某某可因某某可革某某猶須斟酌損益其瞭然在目者此予悉所未逮而次第舉行之使此書不等諸覆瓿之故紙也予滋幸矣時

乾隆二十年歲次乙亥立秋日前邑令丙辰進士眉山吳慎簡夫氏撰文並書

序

自來惟忠孝節義之經歷千古而不變而其由性情而發爲事業者則德之不同他如井里雖同而命名或不同矣倉儲雖同而立制或不同矣民物雖同而政治之因革風俗之厚薄又或不同若將泥舊志以求之而欲周知民隱默辨土宜也不難乎豐潤邑志自乾隆二十年邑侯吳公續修之後又百餘年矣其間孝子忠臣義士節婦代不乏人以及井里倉儲政治風俗其因時制宜者亦何可勝道前邑侯牛公有志續修未逮而去余于光緒十年始蒞茲土方欲贊而成之而水旱頻仍未暇及此乙酉秋稔乃進父老而問之群謀僉同以邑紳諸公董其事別戶分門旁搜博採兩越月後粗有端倪乃延朱子良農部陸寶臣水部聿削之刪繁就簡歛華歸實然後忠孝節義之卓然事傳者昭如日月而凡井里之名倉儲之制政治之因革風俗之厚薄莫不燦然在目庶見是書者可以用周知民隱默辨土宜而不至泥古以求也是則予之幸也夫

豐潤縣志

序

三

光緒丙戌季秋書於涇陽官廨遼西古往河受山甫郝增祐撰

縣志一書舉凡山川沿革風俗變遷徵文攷獻載紀必詳而表忠勵節顯微闡幽所以厚培民氣振興人文者莫不於是乎賴予自奉調來蒞茲土簿書之餘披覽志乘卷帙散佚知失修已百餘載矣前邑侯諡公雅惠續纂未逮而去念邑志失修守土之責也因延紳耆摭殘補闕其間主由邑侯夏公遽歸道山予奉兼攝見王志將及告成惟節孝猶缺因台兩邑而請旌焉餘未歲事旋奉檄履遷於心缺然迨由遷蒞玉事隔數年邑易數任於庚寅秋復奉權斯土詢悉邑志已續成於郝公復刪訂開雕於周公越歲孟秋全書告成詳加披閱凡疆域山川人文物產忠孝節義靡不備詳邑志遂燦然大備足爲信史皆一二公之力也然其中字句閒有譌奪因校正而修補之亦以伸予之素志云爾

光緒十有七年歲次辛卯孟秋月中州牛昶煦撰書

重修豐潤縣志序

涇陽古稱邊陲地自歷代建都於燕此邦遂爲神京左翼凡聲名文物教化必首及焉然太史採風要於邑乘是賴則修之可不亟亟哉顧隆慶以來垂百餘年未及纂輯其間山川更易風俗變遷人民財賦之盛衰官師科第之隆替以及節義文章湮沒而不傳者不可勝紀余蒞任後輒欲修舉廢墜逮繙閱舊志見其典章殘闕不足攷古而信今每愬焉憂之爲簿書軼掌奔走無寧實有志而未逮也恭遇

聖天子允輔臣請纂修天下通志奉檄博訪名儒光昭史乘余不敏與邑之紳士議務求足當斯任者學博劉君世芳乃以鄉先生谷君元調進暨文學諸子副焉余開館授粲三請而後受事乃謂谷君曰今日之事奉

命纂修匪特一邑之志實爲千秋之書將進之史館用佐蘭臺筆札其務殫精抽毫期副

國家右文至意谷君曰唯唯但爲此事者有三難豐自圈占之後書籍荒廢故事無徵恐亥豕魯魚實增固陋一難百年以來老成凋謝攷問無從山陬水涓稗官莫紀二難地處偏隅非如通都大邑可以招致名賢共襄盛舉管窺蠡測未便可懸國門三難余曰無難也故老猶

豐潤縣志序

四

存書倉不乏亦在乎矢慎矢公而已余乃博搜旁討得鄰邑之志數種授之爰取舊志十三卷更爲十卷茲蕪補闕復與之商確校訂審詳毋略審嚴毋濫審據實毋徇情閱四月而書成余細繹之但見綱舉目張條分縷晰覽輿地建置則時代因革陵谷變遷可得而知也覽賦役學校則民物消長祀典異同可得而攷也覽秩官兵制則知文武之所由重輕覽選舉人物則知人才之所由進退暨夫雜職以備叅稽文苑以資博覽豐之典故莫不瞭如指掌朗若列眉洵可稱良工心苦矣於是撫卷而歎曰事之廢興豈不以人哉蓋隆萬之時文章非不盛也或徂於無事優游或阻於軍興旁午遂至典籍淪落缺焉弗修詎非有識者所深悼哉今者車書玉帛萬國來同偃干戈而修禮樂遂令一代掌故燦若日星誠哉千秋盛事歟豐邑雖小亦輜軒之使所必及此一役也雖不敢與班固之地理李靖之邊圖比材而絜長而一邑之信史亦庶幾可以不朽矣

邑侯張撰

重修豐潤縣志序

康熙壬子十有一年萬方和會玉帛來同輔臣請修

大清一統志報可

詔郡邑各修志乘以進越明年邑宰張公以雕龍繡虎之才彙天祿石渠之彥於是有縣志之修而屬予主其事受命以還弗遑寧處慮胸次淺狹不足以荷鉅典而覆餗是懼初開館於宏法寺於時鴻雁在天芝蘭滿座相與訂疑葺漏三閱月而志弗成乃禪林呵凍攜簞齋頭復鍵戶彌月而志弗成蓋邑志經百年未修而諸同事又四出採訪以千秋不朽之業徒付之寡昧空疎之手宜乎其虛歲月而靡餽廩岌岌負

盛代崇文之典暨諸當事風雅之心也無何而江梅逗月鳳歷書雲

聖天子方居青陽朝羣后舉夫祝鳩司徒睢鳩司馬爽鳩司寇鵬鳩司空以及隼旟熊軾鶴繡犀擎五馬春燕之牧雙鸛盛瑞之徵萬國呼嵩千官舞壽太史氏紀虞廷輯瑞之年而吾志適成於爍哉彙採風謠述職入

觀賢邑宰卽執此爲風俗之良書以獻云胡不宜而况是舉也上以昭

國典之光下以備一邑之乘遠以紹我先大中丞開創之功而且書傳則張邑宰適館授粲之風亦傳卽王余兩宰寧不與之俱傳哉雖然書何以言傳也書以足徵銀根帝虎如何徵書以備觀覆誦算簿如何觀書以持久綴綵續貂如何久荒蕪漫漶幾何不對載籍而形穢也

豐潤縣志

序

五

繼茲以往慎勿如斯舉百年始見久深寥落之感致從事者考據莫由幸豈特在斯志歟予榛莽煥彼璣珠翹首將來如望河清矣

康熙十二年癸丑二月邑人谷元調撰

續修豐潤縣志序

自邦國之志弗領於太史郡邑之大夫率以錢穀刑名鈎稽簿書爲急務圖籍之殘闕有無弗問也夫歷年久遠陵谷尙有變遷而况建置之興廢賦役之盈耗風俗之淳漓物產之盛衰今昔豈能盡同又如賢人君子之豐功懿德著述題詠表章無人湮沒隨之後之官斯地者何所考鏡以施補救過是邦者何所諮詢以別貞淫間有有志之士奮然欲爲纂序而老成凋謝文獻無徵卽令倚相復生又安能率胸臆而成信史然則圖籍之亡甚於禮崩樂壞夫豈細故也哉邑志明隆慶四年庚午始修於縣令王公納言總其事者谷君九鼎星移物換版冊無存矣康熙十有二年

今上允輔臣奏纂修一統志前令張公如騫偕邑進士谷元調重修未梓而以事去庚午亦潭羅父母以理學世家來宰是邑毅然以修復爲己任會歲凶請粟散賑無寧晷未遑也越明

年庶事修民志定振衰起敝百度爲之一新於是開館授餐聘多士以修邑志以鼎望禮先一飯亦得從而載筆而心竊難之何則志莫略於一統莫詳於一邑職略者主乎識繁者翦之蕪者芟之而已至於理之在疑似者晰之欲其精事之在幽隱者闡之欲其明人之在數十年以前者遙定其是非務令無憾亦無愧下至里社津梁昆蟲草木亦所必悉此皆職詳者之事故難也今承茲役較訂則賴於諸子鑒裁則定於羅公閱兩月而告成而余重有感焉志之修也始於庚午歷百餘年曾無續而舉之者甲寅奉檄而舉卒未成羅公來於庚午來斯舉舉斯成然後知事物之成厥有定數非其人與時強而成之弗能也後之君子讀是書而知纂修之不易心公之心事公之事時加增訂勿廢勿墜則政事文章後先同揆并傳不朽無疑矣邑人曹鼎望撰

續修豐潤縣志序

邑之有志猶國之有史也由來尙矣夫志爲邑之所尙使其紀載繁蕪腹華失實更或時異世殊政治不無沿革風俗不無盛衰官師人物不無今古典籍雖存事多缺略則有志等諸無志若是乎修輯之功誠不可以已也余自庚午秋杪奉

豐潤縣志序

六

簡書來宰是邑省方問俗之下粵考舊志豐潤古號漁陽距

神京三百餘里爲畿輔左翼首善之地其雄踞者山川形勝也繡錯者畇畇原甸也惟正者歲之租庸調也善政善教炳麟史冊者昔之宣遊茲土也策名清時銘勳鐘鼎者嚮之薦紳賢傑也民儉質而力農士儻而務學忠孝節義本乎天性冠婚喪祭準乎家禮者治之習尙風俗也亦既洋洋灑灑稱一邑之紀載矣然而創始於明之隆慶四年繼修於

今上之十有二年越百餘歲時日以久事日以增及脫稿而前令張君即以憂去嗣此受牧者復苦於簿書執掌弗克校讐釐定迄今又十有八載矣據其抄本習爲傳書其間義例乖舛詳略失宜幽潛之德未登彤管猥屑之行謬列丹黃疆畝之圖佔撥補今昔懸殊屯衛之歸併革裁後先複雜諸如賦稅之盈縮戶口之消長俗尙之變更物產之有無多所未核未可以信今而傳後也方今

聖朝重熙累洽車書萬國天下通志既修於前宇內輿圖復繪於後繡梓成書傳之萬禩皇哉一代文治之隆固已極盛蔑以加矣彼豐邑一志乃獨廢墜若此守土者鑒前車之泄泄其敢夙夜自康也哉故於去春之三月申請 上憲敦禮名宿若原任鳳翔之太守曹公現任本

邑之學博賈公文學若唐子居仁韓子范谷子文張唐子壽朋諸公類皆博學洽聞筆大如椽共哀舊載緝以新編凡邑之綱紀法度禮樂兵農以及官師人物略者須詳疑斯用闕事有存乎風化雖單寒微賤而必登評苟慚乎月旦雖豪華勢要而不錄取所長而棄所短善善原非納交之媒由其顯而察其微嫉惡敢懷梯怨之懼太守諸公相與避席而辭曰史以存一代之是非志以紀一邑之典故學非五總無以攷古而證今也才非三長無以品德而定行也苟一物而虛實不辨匪誇則誕矣一言而公私不別匪欺則罔矣一事而誠僞不分匪滔則忤矣志之修也其容易言乎余曰志固未易言亦惟矢公矢慎無執乎一己無背乎輿論無負乎天下後世而已於是太守諸公研思振藻吮墨濡毫余復時與質訂叅稽舛者正之蕪者刪之缺者補之後之繼起者博採而編次之崇實不襲乎矯誣徵信務期夫久遠例遵乎古綱舉目張事全乎今條分縷晰至客秋之九月而書始成登諸梨棗由是覽山川形勝知輿地之建置足以挈

神京而固邊圉也觀任土作貢知今昔之賦稅足以裕軍國而厚閭閻也稽邨庄里社知比閭之親睦足以興仁讓而消亢悍也考名宦鄉賢知甘棠之遺愛與竹帛之流芳足以光當時

豐潤縣志

序

七

而榮後世也閱選舉學校知科目之掄才與膠庠之造士盛於前者宜繼於後也讀忠孝節義與道德文章知蜚英聲於一時垂芳譽於無窮頑者當廉懦者當立志也若乃古蹟之所必詳災祥之所必稽食貨物產之所必覈匪務博瞻亦以備鑒觀示修省念物力之艱難寓樽節愛養之意云爾噫斯役也集前後之鴻裁成一邑之全乘義精文確良工心苦豈徒踵事增華苟免因陋就簡之誚而已耶而余於此竊有懼焉昔尹鐸之治晉陽也甯保障毋繭絲公孫僑之治鄭也民興誰嗣之歌浹陽雖小有民人有社稷利何以興弊何以革繇寡孤獨何以惠鮮懷保書曰正德利用厚生魯論曰富之教之吾儕學古入官受

聖天子以百里之寄矣能無乾乾惕若期與後之君子共登斯民於唐虞三代也哉

康熙三十一年壬申歲孟冬知縣古廬陵羅景泐亦潭甫撰

豐潤縣志原序

昔豐潤隸漁陽郡今屬薊州抵神京二三百里有奇爲左臂輔邑聖化昭治亦首善之域也雖其地邇邊陲四塞險阻古號雄據今稱藩籬其邑與有志附於薊舊矣邑王令納言以時久而簡編缺或晦焉靡顯略焉不詳非邑之全乘也奚足以信今傳後耶爰集獻鳩文合舊志

而補葺之始之以圖經事紀地里建置學校食貨繼之以官師仕籍宦蹟人物兵制雜職藝文凡昔無而今有後盈而前縮者悉與釐正集次綱總目析歧爲二卷紀載參於舊乘義例竊乎古文燦然爲邑巨典也甫成王令以憂去余令乾亨專心民瘼究意典章嗣而梓之請余以叙諸簡端余惟志也者非徒以侈文而資博也將以紀實而出治道也邑而匪志則往迹湮沒民俗漫無所稽司土者或掇其別聞而敷治之民其不爲誤者無幾也余自臬關西受簡命來憲茲薊夫薊重鎮也日惴惴焉以弗勝是懼迺取一統志九邊圖郡縣志地里考時披閱之將以識山川之險易戎馬之盈縮錢穀之登耗民俗之淳漓拯衰振弊以仰答我皇上之簡命偶得諸地里考之所載者民刁俗悍時號難治者最是邑焉始若以爲然暨按歷數月邑令持志詣予閱之再三其見於人物者若石大用之節義董讓之廉介谷周氏之貞烈正氣耿光可以彰往若大中丞之谷公大方伯之韓公大司徒之嚴公高誼峻世足以興今見於風俗者且曰民多儉質而力農士多節義而務學風俗淳厚禮讓聿興施諸冠婚喪祭秩然有禮尤可稽也其他好義而急公尊君而親上可以遠追渾噩狃獠之風者不盡殫述未聞有所謂弗馴之民強梗之俗以列於其間也使其無志以嗣於今則蒞民者將有泥成

豐潤縣志

序

八

說主先入而厲禁峻法未必不加於友順之民矣奈之何民不誤且病也噫書其可以盡信邑其可以無志哉雖然世於變而四凶梗化時太平而三監弗率考之說亦有自也而轉移化導其機係乎上耳方今

聖天子建極彰軌畿輔之民涵濡道化見德順則己比比然矣撫臺劉公承休宣猷揆文奮武是以民享安樂之福而撫屬郡縣悉皆若於政訓維於禮義風俗淳美誠有如志之所稱者是志也雖以稽更張之迹寓激勸之道而民俗丕變之初此其識之矣爲令邑者仰體乎聖君賢輔之心而曲盡乎承流宣化之道監往哲以厲精緣時俗以張弛則民俗一變至道常不止於今日已也考之說奚辨焉

隆慶四年歲次庚午九月薊州兵備副司楊錦撰

豐潤縣志原序

豐潤之爲邑也幽冀之門戶遼海之襟喉而神京之肘腋也其地近邊北險南曠雖僻在一隅而華夏之盛衰宇內之開塞恒於此乎候焉歷觀載籍本黃帝所畫幽州之域在唐虞爲侯甸在商則孤竹之所隣在周則堯裔之所封而隨入於燕者也民當其時近聖人之居被

聖人之化其英哲并生土風朴茂蓋可想見漢隸漁陽唐隸北平往往皆稱善治其季也劉虞據之祿山憑之則多故矣至於晉氏之衰慕容攘竊五代而後并入契丹遼金迄元運移殆五百年也雖豪傑間生其間又焉知其風化之流不異於古所云耶故觀於豐潤之分合而華夏之盛衰可觀已我太祖命將削兵如軒轅之都涿鹿成祖卜燕定鼎如陶唐之宅平陽自是而爲邦畿爲屏翰屹然稱重地矣夫上下五六千年而再遇軒堯之興處畿輔之重斯世斯民何其幸歟故觀於今日之豐潤而寰宇之再闢可知已沿革不常舊無邑乘凡疆域山川人物政治之跡俱附州志然亦略矣明興且二百年累治重熙文物聲華與輦轂相埒而學士大夫未有議及此者豈非一方之闕典歟抑文獻之興其鬱而彰者固自有待歟今上纂修先朝實錄遐邇微靡不蒐輯由是邑令王君梧月始銳意纂集而問謀諸子予閱敝篋之中得往事備遺者凡數十種命從子九鼎輩潤色詮次垂及成書而君以憂去新令余君兼山繼之好古崇文與王君同志遂竟厥功以付諸梓舉千百年之墜典一旦光昭而自茲以往凡道法之師資政治之軌範民風之淑慝兵賦之盈虛與夫居身蒞衆之鑒戒皆於此而可稽矣嗣是而爲君相者考焉治躋唐虞化行南國爲士民者考焉生王國而爲

豐潤縣志

序

九

楨聞清風而興起則斯志也其裨於世教者豈小哉

隆慶庚午初夏既望邑人谷嶠撰

續修豐潤縣志原委序

縣志失修久矣溯自乾隆十八年前縣尊吳簡夫先生纂修舊志著爲成書迄今百三十餘年未經續纂其間陵谷之變遷政治之沿革風俗之厚薄民物之息耗以及人文科第之盛衰土田賦稅之增益星移物換前後參差况自削平髮逆靖掃夷氛以來邑之遠宦他省者或誓守孤城見危授命或捐軀報國氣壯山河取義成仁前賢媲美若不亟登志乘恐遐年父老莫道遺聞而亮節孤忠漸歸漸滅其何以勵人心而端風化耶同治十一年前邑侯瑞卿諱父台奉憲札飭修設館立局因事中止至光緒九年謁如牛縣尊接修一年僅搜羅節孝請旌其餘尙未暇及即調任遷安以去嗣受山郝父台到任雅意興修禮先一飯延請紳董首倡捐廉預籌經費聘錦縣進士朱陸二公總裁其事而秉筆採訪校對皆邑中宿儒適館授餐洵爲盛舉開館於光緒十一年至十二年十月甫經脫藁未及開雕復以憂去任幸我周父台鐵珊先生海上名儒玉堂碩彥由玉田調任豐潤甫下車披閱前藁慨然曰九仞爲山功虧一簣前任